



লাইভ ডকুমেন্টেশন

ঘনশ্যাম চৌধুরী

[Zoom In](#) | [Zoom Out](#) | [Close](#) | [Print](#) | [Home](#)

গতবছর কান চলচ্চিত্র উৎসবে বিশিষ্টচিত্র পরিচালক অহীন্দ্র সেনের ছবি পুরস্কার পেয়েছিল। ছবির বিষয় ছিলো মানব সম্পর্ক। শ্রমজীবী মানুষের লড়াই ও বাঙালী মধ্যবিত্তের প্রগতিশীল চিন্তা ভাবনা নিয়ে ফিচার ফিল্ম করে তিনি এর আগে আরো দু'দুটো আন্তর্জাতিক পুরস্কার তাঁর ঝুলিতে ভরেছেন। সর্বশেষ যে কাজটি করে তিনি কান থেকে পুরস্কারটি তুলে নিয়ে এলেন, সেখানে তিনি দাণ সাহসী মনের পরিচয় দিয়েছেন। এই কথা চলচ্চিত্র সমালোচকরাই বলেছেন।

আজসন্ধ্যায় এমনই একজন ডাকসাইটে ফিল্ম ত্রিটিক চন্দ্রভান মুখার্জির সঙ্গে অহীন্দ্র সেনের বাড়ির ডুইংমে বসে কথা হচ্ছিল তাঁর।

সমাজের অস্থিরতা আর মুক্ত চিন্তাকে আপনি এই ফিল্মে যে-ভাবে এনেছেন, তা এককথায় অন্যবদ্য। বললেন চন্দ্রভান।

গর্বিতহাসি অহীন্দ্র সেনের মুখে।

আধুনিক যৌনজীবনের জিজ্ঞাসা, টি এজ সেক্স এবং তার মনোবৈজ্ঞানিক ব্যাখ্যা আপনার কাহিনী ও ক্যামেরায় শুধু জীবন্ত হয়ে উঠেছে বললে কমই বলা হয়, এই ফিল্ম ভারতীয় চলচ্চিত্র ইতিহাসে মাইলস্টোন হয়ে থাকবে।

হ্যাঁ আমি আমার অভিনেতা-অভিনেত্রীদের দিয়ে ঘনিষ্ঠতর দৃশ্যে অভিনয় করিয়ে নিয়েছি সাবলিলভাবে। স্বাচ্ছন্দ্যের সঙ্গে। আজ ম্লানলিত যাবতীয় সংস্কার আমি ভেঙেছি।

সেখানেই আপনি কেল্লা মেরে দিয়েছেন। আপনার পরবর্তী ভেঙার কী, যেটা জানতেই আমার আপনার কাছে আসা অহীন্দ্রবাবু।

আপনারামিডিয়া জগতের মানুষ যেভাবে আমাকে হেল্প করেছেন, তা আমি ভুলি কিকরে।

চন্দ্রভানবাবু ও হাসলেন। হাসিতে কৌতুক উছলে উঠলো।

বুঝলেন চন্দ্রভানবাবু, এবারও আমি আমার ফিল্মে, বলতে পারেন আমার চিন্তার বিন্যাসে চমক আনতে চাইছি। এবার বেছেছি সাংঘাতিক কঠিন এক জীবন।

কী সেই থিম ?

কয়লাখনির শ্রমিক-মজুরদের জীবন। ক'দিন ধরে তাই নিয়ে পড়াশোনা করছি। পাতালগহ্বরে প্রতিদিন ওরা মৃত্যুর মুখোমুখি দাঁড়িয়ে কয়লা কাটে। ধসে, আঙুনে মারা যায়। মৃত্যুর মধ্যেই ওদের জীবন চলমান। তারই মধ্যে নরনারীর সম্পর্ক গড়ে, আবার ভাঙে। ওদের প্রেম, ওদের সংসার, ওদের যৌনতা, ওদের লড়াই-সবকিছুকে আমার পরবর্তী ফিল্মে একটি ফ্রেমের ঠাস বুনুনিতে বাঁধতে চাই আমি।

ওয়াশিংটন ফুল মিস্টার সেন, ওয়াশিংটন ফুল আপনার আইডিয়া। আমি চোখ বুজলেই দেখতে পাচ্ছি, অসাধারণ এক প্রোডাকশন পর্দার বুকে ফুটে উঠেছে। জুরিদের বেশির ভাগ রায় আপনার দিকে বিদেশি প্রতিনিধিদের করতালি.... বারে বারে ক্যামেরায় ফ্ল্যাশগান বলসে উঠছে।

এইসব কথা শুনে অহীন্দ্র সেনের চোখ দু'টো মদির-স্বপ্নময় হয়ে উঠেছিল। তিনি দেখছিলেন চলচ্চিত্র উৎসবের রঙিন বর্ণোজ্জ্বল আলো। সেরা ছবি নির্মাতার স্বর্ণ স্মারক হাতে মঞ্চের মধ্যমণিতিনিই।

চন্দ্রভান মুখার্জি বলে যাবার পর মোবাইল থেকে ফোন করলেন অহীন্দ্র সেন।

হ্যালো !

হ্যালো, সুবোধ!

হ্যাঁ অহীন্দ্র দা।

লোকেশন কনফার্ম হয়েছে ?

হ্যাঁ হয়েছে। সব কাজ পাকা। ব্ল্যাক ডায়মণ্ডের টিকিট কাটতে দিলাম।

কবে ?

আপনি যেদিন বলেছেন। রবিবার।

ওকে। ভেরি গুড।

হাওড়া স্টেশন থেকে রবিবার ভোরের ব্ল্যাক ডায়মণ্ড এক্সপ্রেসে চেপে অহীন্দ্র সেনের প্রোডাকশন টিম দুপুর আড়াইটে নাগাদ আসানসোল স্টেশনে এসে পৌঁছোল। স্টেশন থেকে পাঁচতারা হোটেল আসানসোল ইন্টার-ন্যাশনাল। আজ বিশ্রাম। বিকেলের ট্রেনে এসে পৌঁছোবেন জনপ্রিয় নায়িকা অক্ষপালি চৌধুরী। এই হোটেল অহীন্দ্র সেনের পাশের এসি মটা তাঁর জন্য বুক করা আছে।

বিকেলের গাড়িরাই টাইমই ঢুকলো। অক্ষপালি চৌধুরী এলেন। তাঁর জন্য একটা দুধসাদা অ্যাম্বাসাডর স্টেশনে মজুত ছিলো। সেই গাড়ি তাঁকে নিয়ে এলো হোটেল আসানসোল ইন্টারন্যাশনালে।

অহীন্দ্র সেনের মেবেল বাজলো। তিনি দরজা খোলা মাত্রই একরাশ বিদেশী পারফিউমের গন্ধ আর উদ্ধত উগ্র সৌন্দর্যের চাকচিক্য নিয়ে নায়িকার প্রবেশ। অক্ষপালির অহঙ্কারী স্তনযুগলের দিকে প্রথমেই চোখ চলে গেল অহীন্দ্রবাবুর।

অহীন্দ্রদা, চলে এলাম।

গুড। কাল সকালে সুটিং স্পটে যাবো। এখন স্নান-খাওয়া এবং রেস্ট। সন্ধ্যে সাড়ে সাতটায় তোমাকে নিয়ে বসবো। তখন ডায়লগ হাতে পাবে। তোমায় ক্য

ারেকটারের ধরণ, বিশেষ করেমানসিক দিকগুলোর ডিটেল এক্সপ্ল্যানেশন তখন তুমি পেয়ে যাবে।

থ্যাক্সঅহীন্দ্রদা।

ঠিক আছে।তোমার মে ঢুকে পড়ো।

অম্পপালিনিজের ঘরে ঢুকে পড়বার পরেপরেই অহীন্দ্রবাবুর কাছে ঢুকে এলেন তারটিমের প্রোডাকশন ম্যানেজার সুবোধ ঝাঁস।

এসো সুবোধ।

যেটা বলতেএলাম দাদা।

বলো।

লোকেশনের জন্যে জায়গাটা ঠিক করেছি, তা হলো বারাবনি লুপ রেললাইনের কিছুটা দূরেভানোড়া কয়লা খনির পরিত্যক্ত ধসএলাকা। তার আশপাশে ছোট ছোট আদিবাসী-তফসিলী গ্রামও আছে।

জায়গাটা দেখেতুমি স্যাটিসফ্যায়ড তো?

হ্যাঁ। এবারআপনি দেখুন।

কাল সকালেচলো যাই। দেখে আসি। পরশুর জন্য একটু ওয়ার্ম আপ হয়ে যাবে।

প্রোডাকশনম্যানেজার চলে গেলেন। পরিচালক চুপচাপ বসে রইলেন তাঁর চেয়ারে। বহুক্ষণ। অহীন্দ্র সেন সূটিংয়ে নেমেসাঙঘাতিক পরিশ্রম করেন এ-কথা সবাই জানে। তার আগে একা ঘরে চুপকরে বসে থেকে, নিজের গভীরতায় ডুব দিয়ে, পরিচালক আসন্নকর্মপ্রবাহে ঝাঁপিয়ে পড়ার জন্য নিজেকে প্রস্তুত করেন।

চিত্রনাট্যের যে দৃশ্যটি আগামীপরশুদিন তিনি ক্যামেরাবন্দী করবেন, তার সংলাপের কাজগপত্রগুলো ফাইল থেকে বের করেআরো একবার দেখে নিলেন। মোটামুটিসময় বিষয়গুলোই হাতের মুঠোয়। ফের তিনি ডুব দিলেন নিজস্ব চেতনার গভীরতর প্রদেশে।

মাপা সময়েকাজ করেন এই আন্তর্জাতিক খ্যাতিসম্পন্ন চলচ্চিত্র পরিচালক। যেমনটিকথা দিয়েছিলেন, ঠিক সাড়ে সাতটায় তিনি তার ছবির নায়িকা অম্পপা লিটৌধুরীর ঘরে নক্ করলেন।

দরজা খুলেইউচ্ছ্বাসের মাত্রা সপ্তমে তুললো একশ বছরের গৌরাঙ্গী।

হাই অহীন্দ্রদা!এক্কেবারে সাড়ে সাতটা! আপনিতো হানড্রেড পার্সেন্ট পাংচুয়াল!

না হলে ঠিকসময়ে ঠিক কাজ হয় না। হয় না কোনোবড় মাপের কাজ।

এক্কেবারেজড়িয়ে ধরে অম্পপালি তাঁর পরিচালককে তাঁর ঘরের সোফায় এনে বসালো।প্রায় অহীন্দ্র সেনের কোলেই বসে পড়লো সে।

ঐবিখ্যাতপরিচালক মনে মনে চল্কে যাচ্ছিলেন। টলে পড়ছিলেন। কিন্তু তিনি জানেন, কখনকোথায় চলতে হয়, আর কখন কোথায় থামতে হয়। না হলে তিনি এই খ্যাতিরচূড়ায় আসতে পারতেন না।

কি খাবেনঅহীন্দ্রদা? কফি বলে দাও। টেলিফোন তুললো অম্পপালি। বললো, দু'কাপ কফি আর ম্যাকস।

অহীন্দ্র সেন এখনসিরিয়াস। যে ঢ জীবনকে তিনি তুলে আনতে যাচ্ছেন, তাতে যেন চূড়ান্তবাস্তবতা থাকে।

অম্পপালি,শোনো!

বলুন।

তুমি এককয়লাখনি শ্রমিকের যুবতী স্ত্রীর ভূমিকায় অভিনয় করবে। এই ক্ষু-কঠিন কয়লাখনি অঞ্চল, যেখানেআগুন, ধস, গ্যাসে বিষ্ফল্লরণ, এমন অজস্র বিপদ লুকিয়ে রয়েছে। তারই মধ্যে তোমাদের শ্রমিক বস্তুতেতোমাদের ছোট্ট সংসার। মালভূমির এইপাহাড়ী প্রকৃতির সঙ্গে তোমাদের জীবন যেন একাকার হয়ে আছে। এমন এক শ্রমিক বধুর চরিত্র ফুটিয়ে তুলতে হবে তোমাকে।

অম্পপালিনিবিস্ততার গহীনে নিয়ে গেল নিজের মনকে। তার পরিচালকের কথায় প্রতিটি অক্ষর বুঝে নিতেচাইলো সে।

দুই

পরের দিনসকালেই ওরা চলে এলো এখানে। মালভূমির চড়াই উৎরাই জমি। দূরে দূরে দ্বীপের মতো গ্রামগুলো। বারাবনি লুপ রেলপথের অদূরেভানোড়া কয়লা খনির পরিত্যক্ত ধসে ডেবে যাওয়া অঞ্চল। মাঠের পর মাঠ সবুজ ধানের চারাগুলোনিয়ে ঝুলে রয়েছে এখানে সেখানে।

অদ্ভুত! যেনভূমিকম্প হয়েছে এখানে। সুবোধ, তুমিএক্কেবারে আমায় মনমতো জায়গা চুজ করেছো। অহীন্দ্র সেন খুব খুশী।

অহীন্দ্রদা, ওই যে কাছাকাছি যেসব গ্রাম দেখা যাচ্ছে, সবআদিবাসী সাঁওতাল অথবা তফসিলী ডোম-বাগদী-বাউড়ীদের গ্রাম। সব ঘুরে দেখেএসেছি আমি। ওদের বসতবাড়িগুলোতেও ফাটল ধরেছে।

ওইসব গ্রাম আরবাড়িগুলোকেও ক্যামেরায় ধরতে হবে।

ঠিক আছে। সেসব হয়ে যাবে।

আজ পরিচালকের সঙ্গে প্রোডাকশনম্যানেজার সুবোধ ঝাঁস ছাড়াও এসেছেন ক্যামেরাম্যান, লাইট এক্সপার্ট এবং আরোএকজন সহকারী ক্যামেরাম্যান। অভিনেত্রীঅম্পপালি চৌধুরী তো এসেছেনই। তার সঙ্গে এসেছেনই। তারসঙ্গে এসেছেন তাকে সর্বক্ষণ পরিচর্যা করার জন্য একজন মহিলাবিউটিশিয়ান।

তা হলে সুবোধ,আমার পার্টিকুলার যে স্পটটা চাই, তেমন জায়গাটা কোথায় ?

চলুন, সামনেইআছে। সুবোধ ঝাঁস চললেন আগে আগে।তারপর পুরো দলটা। মিনিট দশ-বারোররাস্তা। সুবোধ ঝাঁস এবার দাঁড়ালেন। যে পাকা রাস্তা ধরে ওরা এতটা রাস্তা এলো, সেইরাস্তা সহসা উধাও। সামনেভয়ঙ্কর এক ফাটল। মনে হচ্ছে তা যেন পৃথিবীর গভীর থেকে গভীরে নেমে গেছে। সুড়ঙ্গখানির যে বিশাল হেড গিয়ারের চাকা ঘুরতে ঘুরতেডুলিগুলো খানির ভেতরে নামিয়ে দেয়, হেডগিয়ারের সেই লোহারখাঁচার বেশিরভাগটাই মাটির ফাটলে ঢুকে গেছে।

ভয়ঙ্কর দৃশ্য।

বেশিদিন হয়নি এই খনিতে ধস নেমেছে। কয়েকজনশ্রমিক মারাও গেছে তাতে।

বললেন সুবোধঝাঁস।

অসাধারণ!সুবোধ, তোমার লোকেশন চয়েজ অসাধারণ!— অহীন্দ্র সেন উত্তেজিত। দাণ খুশি।

অম্পপালি! এদিকে এসো তো!

আম্পালিগাড়ির কাছে দাঁড়িয়েছিলো। ধস কবলিত কয়লাখনি এলাকায় প্রকৃতিতে এক ধরণের খাঁ খাঁ শূন্যতা থাকে। তার প্রভাব পড়ে ছিলো তার মনে। সে খা নিকটা ঘাবড়েই গিয়েছে। সে দ্রুতপায়ে এগিয়ে এলো।

কী অহীন্দ্রদা?

চলো, আরোখানিকটা এগিয়ে যাই।

অহীন্দ্র সেন, আম্পালি চৌধুরী আর সুবোধ বিশ্বাস সেই ভয়ঙ্কর ফাটলের আরো কাছে এগিয়ে গেল। ধসের যত কাছে যাচ্ছিলো আম্পালি, ততই সে আতঙ্কগ্রস্ত হয়ে পড়ছিলো। এবার দাঁড়ালেন পরিচালক সেন!

একচূড়ান্ত মানবিক দৃশ্য আমি কালকে এখানে ক্যামেরাবন্দী করতে চাই।

স্বিখ্যাত চলচ্চিত্র পরিচালকের কথায় প্রতিটি শব্দবিন্যাস এরা নিবিড়ভাবে বুঝে নিতে চাইছিলো। অহীন্দ্র সেনের প্রতিটি কথায় এখন প্রবল আত্মপ্রত্যয়।

শোনো আম্পালি, কয়লা খনির শ্রমিক বস্ত্র ছোটলাল বাগদীর বউ তুমি। শ্রমিক ধাওড়ায় তোমাদের দু'জনের সংসার। তোমার ডাকনাম মুন্নি। মুন্নি বাগদী। তোমাদের একটা ছোট ছাগলছানা আছে। তুমি তোমার ঘরের সামনেটা বাঁট দিচ্ছিলে। সেই সময় তোমার পোষা ছাগলছানাটি লাফাচ্ছিলো উল্টোপাশটা দৌড়োচ্ছিল। তোমাকে কল্পনা করতে হবে, ওয়েন ছোট একটা মানবশিশু। তাকে তুমি বলছো, অ্যাই, লাফাস না! দৌড়োস না! কিন্তু ছাগলছানাটি লাফিয়েই যাচ্ছে। ধর তো! বলে তুমি তাকে ধরতে গেলে। কিন্তু সে প্রচণ্ড এক ছুট লাগালো। তুমিও ছুটলে। দিকবিদিক ছুটতে ছুটতে সে ধসের গভীর ফাটলের মধ্যে পড়ে হারিয়ে গেল। তুমি ডুকরে কেঁদে উঠলে। যেন তোমার সন্তান হারিয়ে গেল। তোমায় হাহাকার, সন্তান হারানোর তীব্র শোক, কান্না, আর্তি – সব ফুটিয়ে তুলতে হবে। আম্পালি নিশ্চুপ।

আম্পালি, ওই দেখো, ধসের মধ্যে এই পরিত্যক্ত কয়লাখনির সুড়ঙ্গ দেখা যাচ্ছে। ভয়ানক তার রূপ। এই ভয়ানকের সঙ্গে তোমাদের রোজকার ওঠাবসা। প্রতিদিনের বন্ধন। সম্পর্ক। তুমি ফাটলের সেই কিনারা পর্যন্ত যাবে। ক্যামেরা তোমাকে ফলো করবে। তোমায় এক্সপ্রেশন ক্লোজ আপে ধরবে।

কিন্তু এই সময়কার জনপ্রিয় নায়িকা আম্পালি চৌধুরী ধসের ভেতরে কয়লাখনির নিকষ কালো সুড়ঙ্গমুখের দিকে তাকিয়ে নার্ভাস হয়ে পড়লো। সে দরদর করে ঘামছে। তাঁর সঙ্গী বিউটিশিয়ান মহিলা ছুটে এসে তোয়ালে দিয়ে মুখ ঘাড়-গলা মুছে দিল। ফ্লাক্স থেকে ঢকঢক করে জল খেলো আম্পালি চৌধুরী।

না, না, না, আমি এখানে দাঁড়িয়ে শট দিতে পারবো না! কি ভয়ানক সুড়ঙ্গ! আমার মাথা ঘুরছে অহীন্দ্রদা। আমি এখানে দাঁড়াতে পারছি না!

অহীন্দ্র বাবুর নির্দেশে সেই বিউটিশিয়ান মহিলা ও সহকারী ক্যামেরাম্যান নায়িকাকে ধরে গাড়ির কাছে নিয়ে গেল। পরিচালকের কপালে ভাঁজ পড়লো।

সুবোধ বাবু বললেন, ডামি লাগবেই অহীন্দ্রদা।

কিন্তু এইমভূমিতে ডামি অ্যাক্টর কোথায় পাব? তাও আবার হিরোইনের পাশটা! এদিকে কাল সারাদিনের জন্য সমস্ত সেট আপ রেডি। এমন ছিঁচকাঁদুনে মেয়েদের দিয়ে কাজ হয়! যন্ত্রে সব বোগাস!

এরকম একটা আন্দাজ করে আমি ডামির ব্যাপারে একটু কথা বলে রেখেছি। কিছু আদিবাসী শ্রমিক আর আঞ্চলিক কিছু পুষ-মহিলা না হলে সিনটায়রিয়ালিটি আসবে না। অ্যাবসার্ড মনে হবে। বললেন প্রোডাকশন ম্যানেজার।

দ্যাখো তাহলে তুমি।

অহীন্দ্রদা, কোনো চিন্তা করবেন না। আজ সারাদিন পুরো পাচ্ছি। প্রবলেম সলভ হয়ে যাবে। এসব সমস্যা তো রোজকার ব্যাপার। আপনি নিশ্চিন্ত থাকুন।

অহীন্দ্র সেন তাঁর ছবির নায়িকাকে নিয়ে গাড়ি ঘুরিয়ে ফিরে গেলেন হোটেল আসানসোল ইন্টারন্যাশনালে।

পুরো ব্যাপার স্যাপারগুলোই একটু ঘোরালো হয়ে গেল। তবে অহীন্দ্র সেন ভাগ্যবান এই কারণেই যে, তাঁর সহ পরিচালক দীপেন্দ্র রায় চৌধুরী, প্রোডাকশন ম্যানেজার সুবোধ বিশ্বাস এবং ক্যামেরাম্যান ভিক্টর বাসু তিনজনই একেবারে রত্ন। একটা প্রোডাকশন ইউনিটে এমন চোখস মানুষজন থাকলে সত্যি কথা বলতে কি, ডিরেক্টরের ভাবনাচিন্তা পঞ্চাশ শতাংশ কমে যায়। তাই হোটেলে নিজের ঘরে ঢুকে, একটু ইফ্লির বোতল টেবিলে রেখে, চেয়ারে বঁদ হয়ে বসে রইলেন তিনি। সন্দের ঠিকমুখে মুখে অহীন্দ্র সেনের ঘরে কলিং বেল বাজলো। পরিচালক দরজা খুলেই দেখলেন সুবোধ এবং দীপেন্দ্র দাঁড়িয়ে। হুইফির প্রভাবে অহীন্দ্র বাবু আচ্ছন্ন। চোখ দু'টো রক্তাভ।

অহীন্দ্রদা, ডামি যোগাড় হয়ে গেছে। একেবারে সলিড। এতটা সাকসেস হবো ভাবিনি।

বাঃ! তাই না কি। তোমরা বসো একটু। আমি বাথম থেকে আসছি।

বাথমে ঢুকেশাওয়ারের নিচে নিজেকে ভিজিয়ে নিয়ে নেশা কাটিয়ে অহীন্দ্র সেন ফের নিজের মেজাজে চলে এলেন। কাজের ব্যাপারে তাঁর কোনো ক্লান্তি নেই। শোক-তাপ অথবা নেশা, কোন কিছুই তাকে আটকে রাখতে পারবেনা। বকবকে হয়ে বাথম থেকে বেরোলেন অহীন্দ্র সেন।

বলো দীপেন্দ্র, সুবোধ!

একজনটা উটকে পাঠিয়েছিলাম ওখানকার বাউডীপাড়ায়। একটা মেয়েকে পাওয়া গেছে। নাম শেফালী বাউডী। বয়েস চব্বিশ। শক্তসামর্থ্য মেয়ে। বোকা হাঁদা নয়। ডেকে পাঠিয়েছিলাম। হাইটে আম্পালিদির মতোই হবে। হিরোইন ছাগলছানার পিছু পিছু ফাটলের পঞ্চাশ ফুট দূরত্ব পর্যন্ত যাক। বাকী পঞ্চাশ ফুট হিরোইনকে ছেড়ে ক্যামেরা ডামিকে টেক করবে।

সব ব্যাপারটানিয়ে তিনজন মিলে প্রায় ঘন্টা দুয়েক আলোচনা করলো। কিভাবে কি হবে। তবে নিখুঁত পরিকল্পনা তৈরি হলো। তারপর পাশের ঘর থেকে আম্পালিকে ডাকা হলো। তাঁকে বুঝিয়ে দেওয়া হল আগামী কালের সুটিংয়ের যাবতীয় বিষয়।

আম্পালি যথেষ্ট মনমরা হয়ে পড়েছে। সে যত্ন নিয়ে শুনলো, কালকে তার কাজের ধরণ কেমন হবে।

নিজের ঘরে যাবার সময় সে যথেষ্ট সংকোচে বললো, অহীন্দ্রদা, আপনাদের ভারী প্রবলেমে ফেলে দিয়েছি। কিন্তু কি করবো বলুন। ওই বিরাট হা-হা করা ফাটল দেখলেই আমার মাথা ঘুরে যাচ্ছে। গা গোলাচ্ছে।

ছেড়ে দাও। ছেড়ে দাও। কালকের সুটিংয়ের জন্য তৈরী হও। আর সব কথা ভুলে যাও এখন থেকে। ডায়ালগ মুখস্ত করতে থাকো।

দরাজ হয়ে উঠলেন পরিচালক অহীন্দ্র সেন।

তিন

স্থানীয় থানাকে বলে রাখা হয়েছিল। পরের দিন সকালেই একটা জিপে ডজন খানেক আর্মড কনস্টেবল হাজির তানোড়া কয়লাখনির পরিত্যক্ত ধসের সামনে। ক্যামেরাম্যানসহ সুটিং কর্মীদের পুরো দল নিয়ে বিরাট একটা গাড়ি চলে এলো। এলো জেনারেলের কার। সহ-পরিচালক, মেক-আপ ম্যান, সহশিল্পীদের নিয়ে এলো

আরো একটা লাঞ্চারি গাড়ি। অহীন্দ্রবাবু অফিসপালির সঙ্গে এলেন একটা অ্যাংগাসাডারে। টিমের লোকজন কাজ শুরু করে দিয়েছে। জেনারেলের চালিয়ে টেস্ট করা হলো। তাঁরু খাটিয়ে কাম্প করা হচ্ছে। নামানো হলো ফোল্ডিং চেয়ার-টেবিল।

সুবোধ কোথায়? অহীন্দ্র সেন জিজ্ঞেস করলেন?

শেফালী বাউডীকে আনতে ওদের গ্রামে গেছে।

দীপ্তেন্দু, মেয়েটির সঙ্গে টাকা পয়সার ব্যাপারটা পরিষ্কার কথা বলে নিয়েছে। তো? এসব কেসে পরে বড় বামেলা হয়।

হ্যাঁ হ্যাঁ। শেফালীর স্বামীর হাতে তিন হাজার টাকা আগে দিয়ে দেওয়া হবে। কাজ শেষ হয়ে গেলে শেফালীকে দেওয়া হবে এক হাজার টাকা ব্যাস!

দেখা গেল একটা প্রাইভেট কার ধুলো উড়িয়ে এদিকেই আসছে।

গাড়ি থামলো নামলো সুবোধ বাস। আরো নামলো ঋজু চেহারার একটি কালো মেয়ে এবং একটি আদিবাসী যুবক। ওদের নিয়ে সুবোধ বাস পরিচালকের কাছে এলো দ্রুত।

অহীন্দ্রদা, চলে এসেছি। একটুও সময় নষ্ট করিনি। এই হলো শেফালী বাউডী। ওর রোল গুছিয়ে বলে দেওয়া হয়েছে। এই যে শেফালীর স্বামী হরিরাম বাউডী। হরিরামের হাতে আগাম তিন হাজার টাকা দিয়ে দিয়েছি গাড়িতেই।

সুটিং স্পট তৈরি। ক্যামেরা টুলিতে দাঁড়িয়ে। অহীন্দ্র সেন ফিরে পেয়েছেন তাঁর নিজস্ব মেজাজ। টগবগ করে ফুটছেন তিনি।

লাইট-এক্সপার্ট পকেট থেকে অ্যাপারেটর মাপযন্ত্র বের করে আলোর কণ্ঠিত মাপ বুঝিয়েছেন। রিফ্লেক্টর ম্যানরা এখানে-ওখানে পজিশন নিয়ে দাঁড়িয়ে আছেন অ্যাসিস্ট্যান্ট ডিরেক্টরের নির্দেশের অপেক্ষায়।

সিনেমার পর্দায় দেখা সুন্দরী নায়িকা অফিসপালি চৌধুরীর পাশে বসে মেক আপ নিয়ে শেফালী বাউডী। শেফালী ভাবতেই পারছে না, সে স্বপ্ন দেখছে না সবটাই বাস্তব! পর্দার হিরোইন তাকে জড়িয়ে ধরে বলেছে, 'শেফালী, কাজটা একেবারে ফার্স্ট ক্লাস করে করতে হবে কিন্তু। তাহলে আর কি লাগে! জান দিয়ে দেবে শেফালী। সুবোধ বাবু বলেছেন, তোমাকে দেখবে সারাদেশের লোক। শেফালী, তুমি তো প্রায় হিরোইন।

গতরাত্তে মাতাল স্বামী শেফালীকে বহুদিন বাদে খুব আদর করেছে। শেফালীর দৌলতে তার হাতে চলে আসছে কড়কড়ে চার হাজার টাকা। সোজা কথা! বহু-বহুদিন বাদে শেফালীর আনন্দ একেবারে উঠে উঠছে। গতরাত্তে তাই সে দেশি মছ্যাতেও কয়েকটা চুমুক দিয়েছিলো।

পরিচালক চিৎকার করে উঠলেন।

এবার স্পট রিহাঙ্গাল। সব রেডি।

সামনেই ছাগলছানাটি কোলে নিয়ে প্রোডাকশনের এক কর্মী। কাছাকাছি একটি সাঁওতাল গ্রাম থেকে এটিকে কিনে আনা হয়েছে।

স্পট রিহাঙ্গাল হলো।

তারপর ফাইনাল রিহাঙ্গাল।

এবার হবে কমপ্লিট শট।

ক্যামেরা প্রস্তুত। অ্যাপারেটর মিটারে আলো পরীক্ষা করে নিলেন লাইট এক্সপার্ট। অফিসপালির মুখে, বুকে তীব্র আলোর ছটা। শেফালীর ও তাই।

এবার কমপ্লিট ফাইনাল শট! সব রেডি!— পরিচালক বললেন।

হ্যাঁ অহীন্দ্রদা! সব ওকে। দীপ্তেন্দু বললো।

নো টক্। ফুল সাইলেন্ট!

অহীন্দ্র সেন ক্যামেরাম্যানকে বললেন, স্টার্ট!

ক্যামেরা চলতে শুরু করলো।

ছাগলছানাটিকে ছেড়ে দেওয়া হলো। সন্তুষ্ট ছাগলছানা দৌড়োচ্ছে আগে আগে। তার পেছনে এই এই করে ছুটলো হিরোইন অফিসপালি। ক্যামেরা টেক করছে সবটাই।

কাট্! চিৎকার করলেন পরিচালক।

প্রথম পর্যায় এই পর্যন্ত। এবার ডামির পালা।

পরিচালক বললেন, কোন ব্রেক নয়। সেকেন্ড ফেজ এম্ফুনি। ক্যামেরা রেডি। শেফালী তুমি রেডি তো? তুমিই তো এখন হিরোইন।— শেফালী খুশিতে মাথানাড়লে।

লাইট! ক্যামেরা স্টার্ট!

এবার টিমের একজন ছাগলছানাটির ল্যাজটা মুচড়ে বেশ করে কান মূলে ছেড়ে দিলে তাড়াতাড়ি ধসে দিকে। ভীত ছাগলছানা সেদিকে দৌড়লো।

ক্যামেরা ফেরচলতে শুরু করেছে। ছাগলছানার পেছন পেছন দৌড়ছে শেফালী বাউডী। অহীন্দ্র সেন নিজেও একাঙ্গ হয়ে গেছেন এই দৃশ্যটির সঙ্গে। তিনি চিৎকার করলেন, শেফালী আরো জোরে! আর একটু!

সে নায়িকা হিরোইন। সিনেমায় তাকে দেখা যাবে। এই ঘোরে ছিলো শেফালী বাউডী। খনি শ্রমিকের বউ। দিক বিদিক জ্ঞান হারিয়ে ফেলেছে সে। পরিচালক বলেছে, ছাগলছানাটিকে নিজের সন্তানের মতো ভেবে তাকে দৌড়াতে হবে। ছাগলছানাটির কাছাকাছি তাকে থাকতে হবে। ক্যামেরার একই প্রেমের মধ্যে। সে নিখুঁত কাজ করে দেখাবে। একেবারে নিখুঁত। তার সামনে শুধুই ছাগলছানাটি। যে তার সন্তানের মতো।

চোখে-মুখে উৎকর্ষ আর আতঙ্ক ফুটিয়ে তুললো শেফালী।

ক্যামেরা দূর থেকে জুমিং করে ক্লোজ আপে ধরেছে শেফালীর মুখ। একেবারে নিখুঁত অভিব্যক্তি।

ছাগলছানাটি ছুটতে ছুটতে এবার ধসে ফাটলের গভীরে পড়ে হারিয়ে গেল। তার ক্ষীণ কণ্ঠ শুধু ভেসে উঠলো বাতাসে।

ঘোরের মতো থাকা শেফালীর কানে গিয়ে পৌঁছলো ছাগলছানার সেই ক্ষীণ আতঁরব। তার সন্তান? সে আরো জোরে ছুটলো। তার চোখে মুখে সন্তান হারানোর শোক আর হাহাকারের স্পষ্ট অভিব্যক্তি। এতো অভিনয় নয়! এ তো প্রথর বাস্তবের দৃশ্যপট। ক্যামেরা জুম করে ধরে নিয়েছে সেই মুখচ্ছবি।

অহীন্দ্র যেন চিৎকার করলেন।

কাট্! শেফালী থামো!

কিন্তু কয়েক সেকেন্ডের নায়িকা শেফালী বাউডী তখন আর নিজের মধ্যে ছিলো না। পঞ্চাশ ফুট দৌড়োও সে থামেনি। থামার কথা তার মনেও আসেনি।

এবার আর তার পা দুটো মাটির ওপরে নেই। ফাটলের গভীর শূণ্যতা ধরে সে নিচে নামতে লাগলো। সে হারিয়ে যেতে লাগলো। তার মরণ চিৎকার ফাটলের

দু'পাশেধাক্কা খেয়ে গুচ্ছ গুচ্ছ প্রতিধ্বনি তুলে হঠাৎই স্তব্ধ হয়ে গেল। অহীন্দ্রসেন চিৎকার করে উঠলেন— সর্বনাশ! সর্বনাশ হয়ে গেল!

চারিদিকে হৈহৈ রব উঠলো। বন্দুকধারী পুলিশকনস্টেবলরা ছুটে এলো ধসের কাছে। একটা প্রোডাকশন টিমআতঙ্কিত, বিমূঢ়।

তারই মধ্যেপরিচালক অহীন্দ্র সেন প্রোডাকশন টিমকে 'প্যাক অর্ডার' দিলেন।

চার

ভয়ঙ্করএই ঘটনায় বিহুল সবাই। জনবসতি থেকেদূপে বলে থামের লোক এখনো ব্যাপারটা জ্ঞানে না। শেফালী বাউডীর স্বামী হরিরাম টেঁচামেচি জুড়েদিলো। সকালে একটু বাংলা মদ ও পেটে চেলেছিলো। এবার কান্নাকাটি করতেলাগলো। সুবোধ ঝিন্দা দাণ ঠাণ্ডামাথার মানুষ। সে আশ্রপালি, ও তংরসাহায্যকারী বিউটিশিয়ান মহিলা, মেক আপম্যান, লাইট এক্সপার্টসহ টিমেরটেকনিক্যাল গ্রুপটাকে আসানসোলে ফেরত পাঠিয়ে দিলো। এবার পরিচালককেবললো, অহীন্দ্রদা, দীপ্তেন্দুদাকে নিয়ে আপনি থানায় চলে যান। আমি হরিরামকে সামলাচ্ছি। টোটাল প্যাক আপ করে জেনারেটর আর সমস্ত গাড়ি আসানসোলপাঠিয়ে দিচ্ছি। অ্যাসিস্ট্যান্টডিরেক্টর দীপ্তেন্দু রায়চৌধুরীকে নিয়ে অহীন্দ্রবাবু থানায় চলে গেলেন। সুবোধ ঝিন্দা টোটাল টিম-ক্যাম্পগুটিয়ে ফেলার নির্দেশ দিলো। এবারহরিরামকে নিয়ে এই ফিল্মের প্রোডাকশন ম্যানেজার সুবোধ ঝিন্দার ত্রিম রঙের টাটা সুমো গাড়িরকাছে এলো। কাঁদতে কাঁদতেহরিরামের গলা ভেঙে গেছে।

হামার বৌ টমর গেল রে! হা ভগবান ইবার কি হবেক রে। হাঁই বাবুলোগ, হামায় বৌকে ফিরাগ্রিন্দ দে বাবু। হা শেফালী! তু কুথাকে গেইলি বটে! ত কুথাকে গেঁইলি রে!

হরিরামেরকান্নায় একটুও গলল না সুবোধ ঝিন্দা। কারণ সে শুনেই এসেছে, হরিরাম মাইনের বেশীরভাগ টাকা মদখেয়েই উড়িয়ে দেয়। পারলেশেফালীকেই বেচে দেয়, এমন ধারা লোক সে।

সুবোধবাবুহরিরামকে ঠেলে টাটা সুমোয় তুললো। নিজেও উঠলো।

হরিরাম বোসোচুপটি করে!

ধমক খেয়েহরিরাম চুপ। সুবোধবাবু সিটেরনিচে থেকে একটা অ্যাটাচি কেস বের করলেন।

এবার চাহনীতীর করে তাকালেন হরিরামের দিকে।

তোমারবউয়ের দাম কতো? দশ হাজার? নাবিশ হাজার?

অ্যাটাচিকেসের ডালা খুললেন সুবোধ ঝিন্দা। সেখানে একশো আর পাঁচশো টাকায়বাণ্ডিল ঠাসা ছিলো। হরিরাম বাউডী চুপ।

পঞ্চাশ হাজারটাকা পাবে। আজ দূরে কোনো আত্মীয় বাড়িতে চলে যাও। থামে যাবে না। কাল সকালে হোটেল আসানসোল ইন্টারন্যাশনালে আমার সঙ্গে দেখা করবে।

হরিরাম মনেমনে ভাবে পঞ্চাশ হাজার! বাপরে বাপ! কাল উটাকে ষাট-সত্তর বুলবক। আরএকটা বিহা করবক। শেফালী ট বড়দজ্জাল ছিল বটে!

অহীন্দ্রবাবু আরদীপ্তেন্দু রায়চৌধুরীর সঙ্গে ঘন্টাখানেকের মধ্যেই থানার ও সি চলে এলেন। অহীন্দ্রবাবু তার ব্যক্তিত্ব আর গাঞ্জির্য বজায় রেখে ও সি - র সাথে কথা বলছিলেন।

সো স্যাড! আচমকা এমন একটা অ্যাক্সিডেন্ট হয়ে গেল! সো আনফরচুনেট! চলুন, স্পটেচলুন। — ও সি বললেন।

সব ঘুরে দেখলেনও সি। ঝিন্দা এই চিত্র পরিচালককেতিনি কি-ই বা বলবেন! অহীন্দ্র সেন শুধু বললেন আপনি একটু দেখবেন যাতে আমরা এখানেসুটিংয়ের কাজটা কমপ্লিট করতে পারি। শেফালীর হাজব্যাণ্ডেরচাহিদামতো আমরা ওকে ক্ষতিপূরণ দিয়ে দিচ্ছি।

ও সি বললেন, আপনাদের কোনো অসুবিধে হবে না। পুলিশ ফুল প্রোটেকশন দেবে আপনাদের।

থ্যাঙ্কইউ। থ্যাঙ্কইউ। আপনি আসুননা আজ হোটেল আসানসোল ইন্টারন্যাশনালে।

দেখি। পারলেযাবো। কোথায় কখন ছুটতে হয়। তার তো কোন ঠিক নেই। ও সি হেসে বললেন।

শেষপর্যন্ত পুলিশ একটা মামুলি দুর্ঘটনাজনিত কেস ফাইল করলো।

বিরট বড় একবক্সট মিটলো। পরিচালক, সহপরিচালক, প্রোডাকশন ম্যানেজার, অভিনেত্রী আর প্রোডাকশন ইউনিটেরকর্মীরা হোটলে নিশ্চিন্তভাবে একটু বিশ্রাম নেবার অবকাশ পেলো।

রাতেহোটেলের ব্যাল্কেয়েট হলে ডিনার দিলেন ডিরেক্টর। থানার ও সি ও চলে এসেছেন।

আরে আসুনআসুন, মিস্টার বক্সী!

হ্যাঁ, চলে এলামআপনার লোকজনেদের সঙ্গে আলাপ করতে।

বলুন, কি খাবেন? ড্রিংক্স, কোল্ড না হট? আপাততকফি খান। তারপর অন্যান্যগুলোহবে। আশ্রপালি! এদিকে এসো! ইনিহেছেন মিস্টার বক্সী। দাণ মানুষ। আমাদের সব প্রবলেম সলভ করেদিয়েছেন। ওখানকার থানার ও সি। ও হচ্ছে আশ্রপালি চৌধুরী। এখনকার জনপ্রিয় অভিনেত্রী। আমাদের এই ছবির হিরোইন।

নমস্কার। আপনি আমাদের গোটা টিমকে এক বিচ্ছিন্নঅবস্থা থেকে বাঁচিয়েছেন। — আশ্রপালি মদির হাসি হাসলো।

ও সি সাহেবগদগদ। — না না, এ আর এমন কি! এইফিল্মই হয়তো ইন্টারন্যাশনাল অ্যাওয়ার্ড নিয়ে আসবে।

এ-কথায় অহীন্দ্রসেন খুশিতে উচ্ছ্বসিত হয়ে উঠলেন।

হ্যাঁ, সত্যিকথা বলতে কি আজ যে শটটা আমরা নিলাম, তার তুলনা নেই! এমন রিয়ালিটি ভাবাই যায়না। যেখানেক্যামেরার কোনো কেরামতি নেই। অসাধারণ মানবিক এবং রূঢ়কঠিন বাস্তব এক দৃশ্য আমাদেরক্যামেরা আজ টেক করে রেখেছে। পৃথিবীর কোন পরিচালক এমনউদাহরণ রাখতে পেরেছেন কি না আমার জানা নেই।

সত্যি, রিয়েলি একসেলেন্ট!

—উচ্ছ্বাসেআবেগে আশ্রপালি তাঁর পরিচালক অহীন্দ্র সেনকে জড়িয়ে ধরলো। অহীন্দ্র সেনও আজউদাম হয়ে উঠতে চাইছেন।

আশ্রপালি জানে, এই ছবি যদি আস্তর্জাতিক পুরস্কার পায়, ছবির নায়িকা হিসাবে তারওপুরস্কার পাওয়ার সম্ভাবনা থাকছে। নাহলেও পুরস্কৃত ছবির নায়িকা হিসাবে আস্তর্জাতিক মহলে তাঁর নামপরিচিতি পাবেই।

তাই আশ্রপালিচৌধুরী তাঁর পরিচালক অহীন্দ্র সেনের কাছে আরো মদির, আরো কামনাময়ী হয়ে উঠতে চাইলো। আত্মসমর্পিতারভঙ্গী তার চাহনীতে, শরীরে। সে

মনেনে বললো, অহিন্দ্র সেন, আজ রাতে আমি তোমারই।

এদিকেব্যাক্সোয়েট হলে ডিনার জমে উঠেছে। ছইক্ষির বোতল খোলার আওয়াজ। প্লেটে কাঁটা চামচের শব্দ।

বুবলেআম্পালি, যে ছবি আজ সেলুলয়েডে ধরাপড়লো, তাকেই এককথায় বলা যায়।

রিয়েলি ফ্যান্টাসটিকঅহীন্দ্রদা। – আম্প্রপালির কঠম্বর যখন মদির। তার ঢলঢল কাঁচা অঙ্গ তখনপরিচালকের শরীরে উত্তাপ ছড়িয়ে দিচ্ছে।

বহুধুরেকয়লাখনি ধসের সেই ফাটলের অন্ধকারে শেফালী বাউড়ী নিস্পন্দ ছাগলছানাটিরপাশে রক্তান্ত, থ্যাঁতলানো অবস্থায় পড়ে রইলো। অন্ধকার ঘন হয়ে উঠলো পৃথিবীর বুকে। আরো প্রগাঢ় হয়ে উঠলোফাটলের ভেতরকার সেই অন্ধকার। এক মানবী আর একটি অজ শাবকের কথা সেই অন্ধকারে হারিয়ে গেল।

[Zoom In](#) | [Zoom Out](#) | [Close](#) | [Print](#) | [Home](#)

সৃষ্টিসন্ধান

Phone: 98302 43310
email: editor@srishtisandhan.com